

官版


太平清話

上

增5
363
1



門 5
號 363
卷 1



太平清話目次

卷之上

荆公答曾子固

都公譚纂述道者語

晉書

石林云

旌儒廟碑陰

天下瀑布皆有聲

太原王光祿家

楊椒山先生

王元章冕

塵史云

僧一行剡公

尉遲敬德

萬曆甲午

聖俞晚年謝事

明治三十一年十一月十九日

市島謙吉氏寄贈

昌公秘笈遺本

目次

太平清話

一

吾友徐孟孺

少游二柬

顧野王讀書臺

許由邪席不坐

孫游嶽

唐功臣墳墓

蜀僧湛然

雌雄劍

鄭元祐少脫骭

秦太虛罷職

王履吉作白雀寺諸詩

楊惠之將塑楞伽山

元士大夫

楚靈鷲山中

吳孺子狀如老猿

郁師古藏覺隱畫卷

覺隱有歌云

覺隱又詩云

宋行宮考

李太僕應禎

王弇州云

屠長卿為青浦令

近代雜劇

余有富鄭公

顧况結廬

張旭山

滇中寧山

林屋洞東

杜少陵自成都

臧榮緒

晉徐藻妻

按太白故宅

洙涇船子和尚

武林地

楊鐵崖云吾未七十

寶慶人

一幹一花

峨眉山

忽聞天外玉簫聲

滇南寶井中一石

蝴蝶

關中孫太白

龍湖張治

吾鄉張昉先生

李龍眠

陶南村父陶煜

廣川南十三里

文衡山太史

錢塘為宋行都

平泉陸宮保像

孫漢陽太守

卞山楚王廟

陸修靜餌茱萸

李贊皇有詩可諷

余嘗酌中泠

山泉

讀天下志

陶南村云

景定三年

袁忠徹家世一卷

薛濤八九歲

楊鐵崖云往年

楊鐵崖之兄

紫微夫人誥

山谷集中

張嶠崆定浙兵之變

王充論衡云

茅山乾元觀

顏氏禱于尼丘

曲阜城有顏回墓

宋奉宸庫

秦淮海云

文徵明始名璧

嚴光本新野人

老子云

白龜

中峯和尚題

張景山

少游云家貧素無書

蔡君謨湯取嫩

活板

王元美公云僕副山東

綠石山駙馬臺

讀宛委餘編

樵李有山茶

孫忠烈曾于官

景不和

臨川王義慶世說

顏魯公有與皎然

許松臯云

道經云蝶交

僕嘗有沈君典書

高晞遠嘗謂

江寧縣陶吳鎮

空桑

賀方回長七尺

青鳥

文衡山先生停雲館

隋滿徽

李白生于彰明縣

范文正公家古鏡

宋傅肱蟹譜

王龜齡龍行記題名

東坡云

陸魯望謂洞庭

東坡為鳳翔僉判

宋洛中廣化寺

王祥卧冰處

王渙為屋四合

余與徐道寅

孟子鄒人

張齊賢宅

王子幼云

夏黃公初隱

姜氏秘史

王導疾久

御製文集

宋南渡以前

何仙姑

秦始皇帝三十七年

元積慶禪師

朱衣鳥

弇州公

蔡襄知泉州時

續漢書云

宋田畫

鏡湖

李獻吉云

嘉祐中

知聲而不知音

殷洪喬

唐房琯云

陸魯望文成

劉靜修題李伯時馬

歷山下二泉

金遣王汭來鄴

李吉甫謚議不合

船子和尚肉身

王勃

天龜星

朝鮮人極好書

金張秦娥

宋僧杲

陳希夷嘗乘白驪

嚴夫子忌墓

試劍石

索隱家語云書

文氏停雲館

趙時賞

玄武湖中

東坡謫黃州時合

陸瑁湖邊

王昭君墓

箕山有二許由塚

懸榻不獨徐南州

楊廉夫錢唐時

陸平泉先生手題

李白之師

百舌

僧齊已聽琴詩

司馬子長墓

謝安作新宮

宋景文公祁

李于鱗白雪樓

紅梅

程子云

山谷移監德平鎮

郭太史守敬

卷徽宗時

行人司有例

南渡時

沈雲鴻

袁白燕嘗以羣盜毒故

虎丘

獨孤及慧山新泉記

呂文穆蒙正微時

十二支所屬

作傳與墓志行狀

唐太宗

田收住

心離其身

今俗重二月八日

五代曆三變

萬曆間基志許殊

陶淵明嘗作搜神錄

玉之美

郭忠恕嘗以聶從義姓

周堯卿

有商人私持

卷之下

肅慎氏石罟

倭自謂

王建集

小西天諸僧

黎人釀酒

岳墳檜樹劈開

白鸚鵡

陳止齋云

王元美云徐昌穀

吳寶鼎中

唐孫處立

紅線

傳云天遜劒術

何元朗極精詞譜

凡焚香

蹋鞠

西苑芭蕉園

攝山千佛嶺

北堂書鈔

石墨

李于鱗排行第三

汾陽子暖

孫樵以書史為墨兵

盧仝自號

五辛 蜀人黃制參

春光入水 太元中

沈懋孝劉應麟 蘇州黃堂

間田 陸機云

吳思齊 上黨有人宅後

烏山下 周廣順中

晏子城 顧仲英

文山公與黃伯正 石斗山

宋朝吳郡士 段文昌

雅宜病于壬辰平春 樞密資政節愍公

張山人朗 岷山脉

余乞花場 吾友徐益孫之先

稽山徹上人 黃省曾有吳風錄

文衡山先生每冬月 陳白陽亦好着捲簷帽

耶律楚材 沈氏

文衡山先生草書 王安國奉母喪

宋徐鉉不喜釋氏 嶺南古無兔

初邵雍有言 玉真先生云

宋景濂當至正中

安祿山冥籍中

秦少游將赴杭倅

吾鄉曹雲西孫

山藥山大土草書

王彝字常宗

人歿形如生

秦少游有逆旅集

洪覺範渡海每冬日

七十二賢中秦非

柳子厚女和娘

劉貢父生時

張文規詩

山西霍州南

唐伯虎有風流遁

倪元鎮又嘗自號

鐵崖云至正九年春

邊人談北虜

廣西銅鼓

隋牛弘

嚴子陵娶妻非寒賤

顏杲卿墓廿日開

桑民懌

麻姑甲春

鄭虎臣宅

顧益卿鎮遼陽

趙臺卿言舍財墓下

天禧中

葛仙翁煉丹處

杭吳山雲居寺茶餽

龍性極懶

黃魯直登荊州亭公

密州趙德正云

楊惠之以塑工

王履吉手寫經書

文博士壽承云

崑山夏孟暘

琅邪山出茶

古今雪詩甚多

憎王孫

舉天下之山

王罔伯之狀弇州公

顧况云

宋徽宗有大觀茶論

周初有于倉頡墓下

蘇轍城

唐子西云

徐長谷品惠泉賦

稼軒辛敏公

嘗憶甲申春

范文正公義莊家規

桐花亦有十月開

楞嚴經云

天有陰德星

召公奭壽

宋朝握團扇

余壬午

洗馬起于莊子

甲午八月游秣陵

蔡元定

張橫渠先生

三高墓

陸平泉先生云

琉球亦曉烹茶

王元美公以重九

陸平泉先生八十六時

張南軒知星命

白居易諷諫集

新昌石佛寺彌勒

陸儼山學士云

陸五臺官南司寇時

白樂天六帖

正和二年夏四月

宋人蘭譜

錢唐女士老醜傳

吳人朱性甫云

元王方叔呈命

桑道茂宅

朝鮮使公以重火

寶公舊像

范石湖

嚴幼芳

嘉靖初年

陽明先生游匡廬

女真舊絕小

茵蕈有一種

列仙傳云

馬二百一十六匹

表弟李韜叔

金主有言

吾兒夢松

東坡父老泉

甌駝二字

北魏游雅

萬曆十七年

洞庭中西盡處

西川有二孽龍

馬無膽

顧况云衆樂

先秦兩漢

秦少游有眇娼傳

雲長墓

北魏延昌

吾松之西

山谷欲取所作詩文

郁伯承云

汪伯玉言

京房易傳云

浮石洞有異獸

薛方山考功

葉石林老日抄詩文

乞士

圖經曰

董搏霄陸運之方

襴

吾鄉青龍莊蓼塘

戊子冬孟樂

松潘亦有禹穴

李易安之母

張子韶先生云

吾鄉成化間

王荆公論戲字

王荆公字說

知美之為美

中國主陽

東坡先生

目次 畢

太平清話卷上

人生江南是極樂國而余又以男子身際

清朝丁康年老親許以二十有九解青衿為逍遙布衣

余因此得讀未見之書眠漸高之日優哉游哉聊以

卒歲門生故人過余酒壘間搜一二故聞以應之削

忌諱置臧否皆古人清賞之事而已兒子竊聞手記

投古盎埋海棠岡下積久編成數卷題曰太平清話

華亭陳繼儒記

荆公答曾子固書謂小說無所不讀然後能知大體

都公譚纂述道者語人欲求道須於功名上闢一闢方
心死。

晉書皆為許敬宗寫入小說。

石林云今世安得文章只有減字換字法爾。

旌儒廟碑陰儒即秦所坑儒也。

天下瀑布皆有聲惟鴈蕩者無聲。

太原王光祿家有白燕一雙生民戶巢中其眼如丹比

尋常紫燕更雋余輩皆有詩。

楊椒山先生喜鴉而惡鵲云鴉報凶鵲報吉鴉近忠鵲

近諛。

王元章冕不肯附吳珍曾謁胡大海獻攻紹興之策皆

傳所不載。

塵史云古人二十而冠父字之今人童而不櫛字之非

古也。

僧一行郊公張公藝之孫博覽經史武三思慕其名請

結交逃匿隱于僧梵。

見正史

尉遲敬德晚年餌雲母粉為方外游。

萬曆甲午司農郎葉春及疏略考孔子刪書斷自唐虞

訖周典謨訓誥誓命之文凡百篇。秦火後行于世者五十八篇耳。秦始皇二十六年遣徐福發童女數千人入海求神仙。徐福多載珍寶圖史至海島得平原大澤止王不歸。今倭其種也。始皇三十四年始下焚書之詔。故司馬光溫公倭刀歌曰。徐福行時書未焚。逸書百篇今尚存。乞乘小西飛封歛之便。及纂修正史之時。一搜遺藉。然此說余曾見于丹鉛總錄。雙槐歲抄云。聖俞晚年謝事卜築滄浪之傍。喜得與蘇子美相隣。

吾友徐孟孺欲刪史記中褚先生所補。元美公云。漢人之語幾何而足。下忍去之也。

少游二柬一云。蘇黃州雖不得書。然昨蘇子由著作過此。及南來士大夫具云。在黃甚能自處。了不以遷謫介意。日但杜門蔬食。誦經讀書而已。昔之論者常患其才高太銳。今日之事尤足以成其盛德也。又云。還家來。比會稽時。人事差少。杜門却掃。日以文史自娛。時復扁舟循邗溝而南。以適廣陵。泛九曲池。訪隋氏陳迹。入大明寺。飲蜀井。上平山堂。折歐陽文忠所種。

柳而誦其所賦詩。爲之喟然以嘆。遂登摘星寺。寺迷樓故址也。其地最高。金陵海門諸山。歷歷皆在。履下其覽眺所得佳處。不減會稽望海亭。但制度差小耳。僕每登此。竊心悲而樂之。人生豈有常。所遇而自適。乃長得志也。二札有道。况顧野王讀書臺。一在亭林。一在樵李之雙溪橋後。一在海寧縣之峽石山。和靖讀書臺。在虎丘。梁昭明讀書臺。在招隱。段文昌讀書臺。在廣都縣之南龍華山。董子讀書臺。在廣川。二陸讀書臺。在秦淮。

許由邪席不坐。邪膳不食。孫游嶽。齊永明初。詔主興世館。門弟子數百人。惟陶弘景入室。

唐功臣墳墓無子孫者。不許斫伐。委所在長吏。差人巡檢。宋朝雲墓。至今衛樵採者亦數家。蜀僧湛然。註楞嚴及易。皆有各理。妙于談論。與余同坐。顧光祿熙園橋上。指柳枝云。此物何以易生。蓋柳星。在二十八宿中。寄根于天。故栽之輒活。雌雄劍。有人言以磁石鍊之。縮地法。視飛星夜流時。采。

其、悉、呪、之、足、上、便、能、頃、刻、百、里、
 鄭、元、祐、少、脫、髻、任、左、手、號、尚、左、生、
 秦、太、虛、罷、職、將、自、青、田、以、歸、因、往、山、寺、中、修、懺、日、書、絕、
 句、于、住、僧、房、壁、
 王、履、吉、作、白、雀、寺、諸、詩、時、病、已、甚、然、猶、偃、臥、以、指、畫、腹、
 曰、祝、京、兆、許、我、狎、主、齊、盟、倘、書、不、成、何、以、見、此、老、地、
 下、入、室、
 楊、惠、之、將、塑、楞、伽、山、迺、為、大、義、淨、三、藏、呪、其、土、故、至、于、
 今、跋、行、喙、息、蠓、飛、蠕、動、一、切、獸、禽、皆、不、敢、至、山、

元、士、大、夫、以、樂、府、鳴、者、奇、巧、莫、如、關、漢、卿、庾、吉、甫、楊、淡、
 齋、盧、疎、齋、豪、爽、則、有、如、馮、海、粟、滕、玉、霄、醞、藉、則、有、如、
 貫、酸、齋、馬、昂、夫、
 楚、靈、鷲、山、中、洞、深、五、里、石、臺、甚、高、春、月、水、聲、如、鐘、鼓、管、
 籥、宋、熙、寧、中、山、泉、溢、有、髹、器、紡、車、流、出、誌、字、曰、嘉、州、
 蓋、泉、與、蜀、通、也、
 吳、孺、子、狀、如、老、猿、有、木、瘦、爐、及、曲、木、几、光、淨、如、蠟、所、至、
 焚、香、掃、地、而、坐、以、諸、物、自、隨、餅、中、花、枝、狼、籍、則、以、散、
 衾、裯、間、臥、之、能、畫、山、水、有、黃、鶴、筆、法、余、有、之、其、圖、書、

眉公和文卷之五 卷之五 五
露居三十年真山澤之癯也最愛一瓢偶破之大哭
一時名士皆有破瓢詩自劉翰中亦效其體以贈
郁師古藏覺隱畫卷蓋至正時釋子也名誠道原又別
號時圻公能詩書法嚴緊多致其殘言剩句題畫端
皆漫興可愛如題石云五日畫一石觀者嫌少又作
二小石高高低低俱有三石豐年之識也收錄
覺隱有歌云莫造屋莫造屋何用經年興土木造屋人
在堂拆屋人在腹不知造時榮但見拆時辱莫造屋
莫造屋世道由來反覆多興廢但分遲與速莫買田

莫買地買田買地增家計西陌東阡恣兼併不知戶
役隨田至大男小女日夜忙帶鎖担枷了官事莫買
田莫買地生前將爲子孫謀身後翻爲子孫累後跋
云此等言語只好我話大似本家不吃牛肉要吃也
無呵呵
覺隱又詩云小橋深水遶迴廊獨對西風憶故鄉山崦
人家秋色晚客中無菊過重陽又池檻水搖簾影動
石床風引篆煙斜鳥聲啼足忽飛去驚落半庭山杏
花亦可想見其風韻也

宋行宮考及吳越國考徐一夔研檢精確

李太僕應禎陸叅政容莊定山景吳文定寬謝禮侍鐸
沈處士周呂太常憲皆衡山先生之交也先生不敢
自托于諸公各賦一詩命曰先友
王弇州云裴休相公法門中龍象也歿後作于闐王于
闐一小國耳當懿昭際不聞有所興闡佛法也此公
未見黃蘗圭峰未談般若不妨作相作節度既見而
既談之使天下歸以爲龍象而奈何作相作節度富
貴如故也于闐之報業報也非福報也

屠長卿爲青浦令梁伯龍來謁長卿命演浣紗遇佳詞
起爲壽否則罰以兕觥

近代雜劇惟天池徐渭辰王玉衡天池有花木蘭及禰
衡罵曹操最爲擅場而辰玉鬱輪袍及裴湛和合二
曲的當行家其鬱輪袍中裴迪呼儒童菩薩者戲指
余耳

余有富鄭公乞君謨神廟手蹟帖中有語云今天下文
章惟君謨永叔主之又生平最相知者永叔執政不
欲干請今大臣墓銘神道碑非閣臣不謁蓋爲乞祭

葬與易名地耳

顧况結廬茅山昌蒲潭石墨池上。年九十卒。林肩吾嘗問其字，余不能應。後查改字逋翁。

張旭字伯高，又字季明，與集賢院學士延陵包融及賀知章、張若虛號吳中四士。

滇中寧山有虎能飛，狀如蝙蝠。蒙岫有蛇，見人自斷。余

甲午十月，王太原公出一獸皮，大不能二尺，如紫貂色。左右皆有肉翼，翼上有毛，疑即飛虎耳。

林屋洞東吳越錢王於此投金簡以祭洞觀，宋淳祐丁

未七年大旱，生民於湖濱，漉出金簡，長一尺五寸，濶

六寸，上刻字曰：天下兵馬副元帥吳越錢王。

杜少陵自成都來夔門，欲下三峽，通荆襄，以向洛陽。漸

北歸，始至，暫寓白帝，既而復遷，襄西後徙居東屯。

東屯稻田水畦，延袤百頃，于是卜居。今有杜工部草

堂。

臧榮緒以宣尼庚子日生，凡庚子日，陳五經，再拜如神。

靈黃省曾亦以五經奉高架上，朔望拜之，有拜五經

文。

晉徐藻妻陳氏與妹劉氏書有云老莊者絕聖棄智渾
齊萬物等貴賤忘哀樂非經典所貴非名教所取何
必輒引以為喻耶
按太白故宅在清廉鄉復往戴天山讀書今宅已廢為
浮圖寺
洙涇船子和尚釣灘漁師下網者時得紅蝦
武林地有號園前者宋畫院故址也
楊鐵崖云吾未七十休官在九峰三泖間殆且二十年
優游光景過于樂天有李五峰張句曲周易癡錢思

復為唱和友桃葉柳枝瓊花翠羽為歌飲伎第池臺
花月主者乏晉公耳然東諸侯如李越州張吳興韓
松江鍾海鹽聲伎高讌余未嘗不居其右席則池臺
主者未嘗乏也風日好時駕春水宅先生赴吳越間
好事者招致效昔人水仙舫故事蕩漾湖光鳥翠望
之者呼鑲龍仙伯顧未知香山老人有此無也客有
小海生賀公為江山風月福人且貌公老像以八字
字之又賦詩其上曰二十四考中書令二百六字太
師銜不如八字神仙福風月湖山一擔担天年直至

九十九。先生四世祖楊佛子年九十九好景長如三月三言遇憂不

憂遇病不病遇喪亂不喪亂胸中四時長是春也自號嬉春道人各其所居窩曰春不老有嬉春小樂章

一百篇。小素小蠻休比似柳枝桃葉尚宜男。先生八十年精力不衰

瓊翠尚有弄瓦弄璋之嬉寶慶人呼水仙為雅蒜。

一幹一華而香有餘者蘭一幹五七華而香不足者蕙

蜀峨眉山普賢殿簡板有題云天真皇人論道之地楚

狂接輿隱迹之鄉

忽聞天外玉簫聲花底徐行獨自聽三十六宮秋一色。

不知何處月偏明此賢妃權氏詩也妃朝鮮人善吹

玉蕭永樂八年侍上征虜還至臨城薨謚恭獻

滇南寶井中一石中官三百金得之石中有玉蒼蠅二

頭羽鬣皆活置几上能辟蠅鴈山季公為滇南憲副

時事又言為工曹郎董夏鎮河工濬河有魚腸劍劍

柔可繞腰如帶圍翁中丞得之

蝴蝶絡緯蟋蟀以鬚交

大定六年熙州野外灤水有龍見三日初於水面見蒼

龍一條良久即沒次日見金龍以爪托一嬰兒兒雖

爲龍所戲弄。略無懼色。三日。金龍如故。見一帝者。乘
大白馬。紅衫玉帶。如少年中官狀。馬前有六蟾蜍。凡三
時方沒。郡人競往觀之。相去甚近。而無風濤之害。
關中孫太白山人。與許九杞善。寓南屏時。一鶴自隨。九
杞爲買鶴田。歲輸糧於萬峰深處。而納券曰。太白山
人鶴田。在九杞山書院之陽。倚山面湖。左林右涂。廣
從百步。計歲入粟三石有奇。以其奇爲道里費。而歸
其成數于杭之西湖南屏山。歉歲則汰其半。以九杞
潤筆金取盈焉。佃之者。主人之鄰李仁。輸之者。主人

之僕歸義。董之者。主人之弟檣。卿舟仲。主人謂誰。山
人之友杞。泉子許台仲甫也。名鶴田券。世系南屏。里
龍湖張治謂南嶽聖燈現光處。其下必有丹砂。及一切
寶藏。此甚有理。又欲以飛梯候光現。即識其處。掘必
得之。
吾鄉張昉先生。老而貧病。能書。有隱操。題漁父一絕云。
挈壘坐釣秋江湍。沽酒容易求魚難。世間好物不在
速。三尺鱸魚晚上竿。後死陸伯達爲之葬。
李龍眠蘇黃集稱伯時。秦少游又稱叔時。

陶南村父陶煜字明遠自號道輿山人又更號白雲處士就祿試吏浮沉六察遂昌鄭元祐為狀楊廉夫為志
廣川南十三里去州城八十三里有董家庄清和北鄉有董家村即下帷地西安府城南六里武帝幸芙蓉園有董仲舒墓江都大東門外有董仲舒宅揚州府東城兩淮運司治內有董井
文衡山太史極熟勝國人遺事能口述其世系官闕里居几上多抄本小冊皆國初元末故實也元美公亦

服其淹雅有未精核者曰恨不問文先生
錢唐為宋行都男女尚嫵媚號籠袖驕民當思陵上太皇號孝宗奉太皇壽一時御前應制多女流也墓為沈姑姑演史為張氏宋氏陳氏說經為陸妙慧妙靜小說為史惠英隊戲為李端娘影戲為王潤卿皆一時慧黠之選也

平泉陸宮保像諸寺作供者甚多先生自題其上云豈有文章置集賢也無勛業到凌烟只應畫作老居士
留與香山結淨緣

孫漢陽太守以紫檀做古製刻三雅杯銀絲填漢篆字
客至拋骰行酒么二季雅三四中雅五六伯雅
卞山楚王廟梁簡文作碑記言羽事佛不殺唐丘除有
項王蔬食文則羽亦嘗事佛者
陸修靜餌菜蕒有菜蕒塢在蔣山平坡
李贊皇有詩可諷檢經求綠字憑酒借紅顏
余嘗酌中冷劣于惠山殊不可解後考之乃知陸羽原
以廬山谷簾泉為第一山疏云陸羽茶經言瀑瀉湍
急者勿食今此水瀑瀉湍急無如矣乃以為第一何

也又雲液泉在谷簾泉側山多雲母泉其液也洪纖
如指清冽其寒遠出谷簾之上乃不得為第一又何
也
山泉獨能發諸茗顏色滋味
讀天下志四川總志為第一其金石鼎彝秦漢以下之
文網羅幾盡而立例亦古後序云藝文志悉仍升庵
之舊故也
陶南村云會波村在松江城北三十里其西九山離立
若幽人冠帶拱揖狀一水並九山南過村外以入於

海而溝。滕畎澮。隱翳竹樹間。春時桃花盛開。鷄犬之聲相聞。有武陵風槩。隱者停雲子居焉。一舟時放中流。或投竿。或彈琴。或呼酒獨酌。或哦咏陶謝韋柳詩。殆將與功名相忘。嘗坐余舟中。作茗供襟抱。清曠不覺度成溪山好一曲。主人即譜入中呂調。命洞簫吹之。與童子擢歌相答。極鷗波縹緲之思。

景定三年。司歷者曰。星有天尾。旅于奎。填與辰。從月後會四星。不相能也。乃季春月朔同軌。其占爲文運。不明。天下三十年無好文章。謝疊山云

袁忠徹家世一卷。多名公贈言。在王弇州家。薛濤八九歲知聲律。晚歲居碧鷄坊。勦吟詩樓。偃息於上。太和歲。濤卒。年七十三。

楊鐵崖云。往年與大癡道人。扁舟東西泖間。或乘輿步海。抵小金山。道人出所製小鐵笛。令余吹洞庭曲。道人自歌小海和之。不知風作水橫。舟楫揮舞。魚龍悲嘯也。道人已仙去。余猶墮風塵。瀕洞中。便若此。竟與世相隔。今將盡棄人間事。追遊洞庭耳。中楊鐵崖之兄名不著。常讀其墓志。公諱維翰。字子固。自

號方塘喜讀史與維禎攻學無寒暑抵夜以漏分爲
 度睡則以水沃面筮仕郡文學初帥府檄爲慈溪校
 已遷天台校其文議論高古有氣談可畏晚年游戲
 墨蘭竹石極精妙興至即揮洒人求者無貴賤悉作
 時柯九思推遜之曰方塘竹云詩號光嶽集攷經有
 穉穢錄書畫有藝游略人識其東西賦問與與也
 紫微夫人誥仰和天真俯按山源天真是兩眉之角山
 源是鼻下人中也兩眉之角是徹視之津梁天真是
 引靈之上房亦答公觀言五王金州家

山谷集中有元章兄弟者乃周元章與公爲外兄弟非
 米顛也

張嶠崕定浙兵之變轉北少司馬過華亭尋雪庵和尚
 宋雪庵蜀人也少與公同窗公至已死拜而奠之作銘
 志其墓立石亦一時之風流也

王克論衡云孔子當泗水而葬水爲之却流今墓東連
 伯魚南連子思塋中無荆棘無鳥巢
 茅山乾元觀姜麻子閻蓬頭弟子也黑夜紉衲從楊州
 乞爛桃核數石空山月明中種之不避豺虎自茶庵

至觀中有桃花五里餘。顏氏禱于尼丘升之谷草木之葉皆上起降之谷草木之葉皆下垂。曲阜城有顏回墓墓前石楠二株可三十四圍土人云顏回手植之木。宋奉宸庫有玻璃母一筐初不知其美諸璫分去後藝之作花香氣清郁可愛詔收集之此大食國所獻即于闐古名也。

秦淮海云予少時讀書一見輒能誦暗疏之亦不甚失。

然負此自放喜從滑稽飲酒者游旬朔之間把卷無幾日故雖有彊記之力而常廢于不勤比數年來頗發憤自懲艾悔前所爲而聰明衰耗殆不如曩時。一二每閱一事必尋繹數次終掩卷茫然輒復不省。故雖有勤苦之勞而常廢于善忘嗟夫噉慧業者嘗此三物也。

文徵明始名璧徵明其字也後更以爲名昔文文山死宋而其第文璧號文溪者附元公之改名意或憎此嚴光本新野人避亂會稽任延傳云天下新定道路未

通避亂江南者皆未還中土。會稽頗稱多士。延爲會稽都尉。如董子儀、嚴子陵皆待以師友之禮。以此證之子陵非會稽人明矣。范曄失于檢考耳。文文山云：老子云：東岳柳下惠，展禽司之。白龜，余曾見之。徽賈汪生持來，大不能尺，楊彥履置之樓上，夜聞烏烏有聲，還之。中峰和尚題十八尊者圍碁圖云：俗諦是黑子，真諦是白子。十八界內，奪用爭先。平地上，逃他分段生死。阿羅漢起，直饒看得眼睛穿，翻轉棋盤都不是。

張景山號州治石橋，一石中有月形。石色紫而月白。月中有樹森森然，其文黑而枝葉老勁。雖工畫者不能爲。

少游云：家貧素無書，親戚時肯見借，亦足諷誦。深居簡出，不與世人相通。又云：鄉閭士子又皆從事新書，每有所疑，無從考訂。其山川風物，亦足資談笑。蔡君謨：湯取嫩而不取老，蓋爲團餅茶發耳。今旗芽鎗。玉甲湯不足，則茶神不透。茶色不明，故茗戰之捷尤在五沸。

活板自宋慶曆間布衣畢昇始

王元美公云僕副山東憲時故吳中丞峻伯爲學憲嘗
祭與諸賢酒間戲言志峻伯謂宦轍不必中土即滇蜀
閩廣須盡歷之飽其山川風物最後亦須坐尚書省
白押尺一乃告老耳僕謂鄙願不及此願得二頃陂四
畝園列植梧竹垂楊芙蓉之屬陂中養魚數千頭中構
中室島築高閣三間其下左室貯書籍及金石古文右
室盡貯美酒傍小一室具茶竈鬻釜兼畜少鮭脯瓜
菜閣上一榻兩几讀書小倦即呼酒數行醉輒假息

島傍維兩蜻蜓客有問奇善觴咏者以一艇載之來
一艇網魚佐酒不問朝夕飲倦則相對隱几興盡便
復載去若俗客見媯者雖叫呼竟日了不酬應以此
終身足矣

綠石山駙馬臺南二里吳鬱林太守陸續葬于此其南
景有孝子城即太守嗣子墳之所
讀宛委餘編似以瞻辨見奇而少一唱三歎之意
檇李有山茶二大樹其一在東塔僧舍漣娑滿庭其一
在白蓮寺後屠氏家傍有四老桂輔之花五萬餘皆

年三百年物也。余花時曾兩造酌酒酌之。孫忠烈曾于官中廳事掘一古鏡有篆文云光昭洪運。蕭忠扶相謂後果死寧庶人之難。景不和無以破昏蒙之氣地不雄無以壯光華之會。檢絲。臨川是義慶世說全學檀弓其妙妙在章法若專以微言冷語求何啻千里。顏魯公有與皎然及清遠道士倡和詩謝疊山有與張天師節齋書道士桂武仲書及蓮社華嚴諸疏二先

生文章節義照映一世不廢方外之遊今人何必排突二氏。

許松臯云河圖龍馬旋毛若初生小兒髮道經云蝶交則粉退蜂交則黃退

僕嘗有沈君典書一紙而事亦可異沈書云吳王霸氣亦雄哉拂劍秋風片石開千古青山千古月夜深空自照蒼苔此余夢題吳王試劍石詩也雲間徐長孺高見寄雜詠四十章中有此詩不異一字余夢之夕而寄詩已在中路怪哉吾兩人精氣相感當不減延津

雙龍矣。仲醇其爲余兩人判此公案否。

高晞遠嘗謂邵堯夫觀物色氣味聲色氣味有一萬七千二十四人之目若鼻口不能盡其觀與嗅嘗一萬七千二十四聲可以字別舉聲之一例而色氣味可類推也。嘗手裁竹爲管以定五音六律進退疏數細微弗差。

江寧縣陶吳鎮西北二百餘步響井。闌尚存。元祐五年四字或以紗帛蒙其上以物擊之則作鼓聲或以瓦石投其中則作鐘磬聲。

空桑伊尹所生之地。又里許即伊尹墓也。名三家次。過范郎廟。塑孟姜女。隅坐配享者。乃蒙恬將軍也。賀方回長七尺。面鐵色。眉目聳拔。退居吳下。昇平橋及橫塘別墅。藏書萬餘卷。手讐校無一字誤。青鳥形如鳩。紅頂長尾。緱仙姑曾見之。灶神烏衣朱冠。其面焦黑。彭介曾見之。文衡山先生停雲館。聞者以爲清閔。及見不甚寬敞。先生亦每咲謂人曰。吾齋館樓閣無力營構。皆從圖書上起造耳。

隋滿徽撰萬字文

李白生于彰明縣之青蓮鄉故號青蓮司馬公父以大
文德五年守光州而溫公生遂名光

范文正公家古鏡背具十二時如博棋子每至此時則
博棋中明如月循環不休又有市人蔣家十二鐘能
應時自鳴季雁山公宋宗眉皆各見一爐幕上有十
二孔應時出香俱不可曉
宋傳肱螭譜言吾鄉天聖末忽生白螭瀕江之人以價
倍常靡有子遺止一年而種絕不知至今極饒此種

王龜齡龍行記題名云永嘉王龜齡少城周行可海陵

種出海濱譜載三柳及通陂塘者訛也
查元章載酒來遊時凍雨初霽風日清美山谷明秀
照人道傍雜花盛開籃輿徐行應接不暇寺有茶蘼
羅絡松上如積雪崇蘭數百本秀發崑石間微風透
香所至芬郁東榮牡丹大叢雨前已開道人植蓋護
持留以供客飯罷縱步泉上淪茗賦詩而歸乾道丙
戌清明前四日
東坡云孔子孟軻道同而其言未必同何以知之以其

言性知之。孔子之言如珠走盤。孟軻之言如珠着。陸魯望謂洞庭爲浮玉。北堂四公子傳云。邛公跳探此洞。傍升降凡五十里。至一龍宮。周濶數畝。門闕皆龍所衛。龍氣闢水。霏霏如霧。晝夜常晦。公跳在洞月餘。飢食青泥如糠米。憶歸訪舊而返。東坡爲鳳翔僉判。有兵官王凱。教之禪學。始能出入梵乘。凱王詵之父也。宋洛中廣化寺。鑄郭汾陽鐵像。王祥臥冰處。後山叢談云。在沂水。今冰凍至今不合。然

張希周見已涸無水矣。

王渙爲屋四合。各植花石。隨時之宜。春海棠。夏湖石。秋芙蓉。冬梅。名四照亭。慶元中。趙公躡會客。問名亭所自。銅陵主簿姚行簡對曰。山海經云。招搖之上。其花四照。華嚴經云。無量寶樹。普莊嚴華。燄成輪光。四照。又云。光雲四照常圓滿。今亭四面見花。故以此名。余與徐道寅過潤州鶴林寺。有馬素塔。唐人詩。因過竹院逢僧話。卽此地也。米元章愛其松石。沉秀誓以來。生爲寺伽藍擁護。名勝公沒時。鶴林伽藍無故塌下。

里人知公欲還宿願于此至今祀于寺之左偏余謁之乃袍笏像也
孟子鄒人其母并人也其地有三徙鄉
張齊賢宅乃裴晉公綠野堂綠野堂乃李龜年故第
王子幼云北地梨花最盛惜與風塵相映不若洞庭梨花與湖山相映也
夏黃公初隱雄角山姓崔名郭字小通號夏黃公河內軹人親鑿一井其泉清冷後子姓以夏爲姓至今有八十餘家皆是也詳見崔氏語

姜氏祕史著遜國死難始末甚著

王導疾久方士戴洋云君本命在申而申地有冶金火相爍不利遂移冶城于石頭城東以其地爲西園
御製文集有授翰林編修馬沙亦黑馬哈麻勅文謂大將入胡都得秘藏之書數十百冊乃乾方先聖之書我中國無解其文者
宋南渡以前蘇州買茶定額六千五百斤元則無額國朝茶課驗科徵納計錢三百一十九萬三千有奇唯吳縣長洲有之

何仙姑、衡州人、晚年墨瘦一衰媪耳。此世廟間女仙

秦始皇帝三十七年、游會稽還、登勾曲北垂山、埋白璧一雙、深七尺、李斯篆刻文云、始皇聖德、平章江山、巡狩蒼川、勒銘素壁、又漢王莽地皇三年七月、遣使者章、篋賫黃金白玉銅鐘五口、贈三茅君、光武建武七年三月、遣使者吳倫、賫黃金五十斤、玉帛獻三茅君、今山頂有埋金處、上有聚石、又曰中茅山獨高處、司命君埋西胡玉門丹砂六十斤、深二丈、上有盤石鎮之、其山左右泉流下皆小赤色。

元積慶禪師肉身、今在坐化庵、庵在吾鄉竹籬茅舍、朱衣鳥出山西澤州、形如尾雀、毛羽類丹砂、善鳴、竟日不輟、張希周携歸見之、予以為即古之赤鷄也、
弇州公之既入道也、王百谷便有夜郎王之意、往往以書為諷、公答云、僕六時晏坐、澹然無營、足下嘲我未能遽焚、居常筆研、筆研故當焚、但世無士衡、以此二物得少延耳、
蔡襄知泉州時、植松七百里。見正史
續漢書云、天竺國產黑鹽、黃鹽、道書又有紫鹽、今其肅

寧夏有青黃紅三種生池中

宋田畫淮陽人祀以為土神見正傳

鏡湖本慶湖也避漢安帝父清河王諱改為鏡湖故賀

方回自號慶湖居士

李獻吉云道理一橫一直爾十字是也數盡十理亦盡

之矣王字真草篆隸不變挺三才而獨立也變之非

王也

嘉祐中時方貴杜集人間苦無全書蘇守王琪家藏本

讐校素精即俾公庫使鏤版印萬本每部為直千錢

士人爭買之富室或買十許部既償省庫羨餘以給

公厨

知聲而不知音者禽獸是也知音而不知樂者衆庶是

也惟君子而後知樂空同子曰聲音直音言曲樂言

律直者單而粗者也音者方而文者也律者比而諧

者也如啄啄呼鷄落落呼猪咄咄呼馬驢苗呼猫鷩

呼雀呼之則應者知聲也人人能謹如今里巷之詞

曲不學而能之疾徐高下皆中板眼所謂知音也及

問其出某呂某律孰宮孰商則不知也故曰惟君子

而後知樂

殷洪喬投書渚在板橋浦

唐房瑄云不游興德洞庭未見山水也

陸魯望文成竄藁篋中或歷年不省為好事者盜去得

書熟誦乃錄初病酒再暮乃已其後客至置潔壺栳

不復飲矣

劉靜修題李伯時馬却云足不能行氣自馳天機深處

幾人知世間無物能形此除我南窗兀坐時又題一

畫卷却云烟影天機滅沒邊誰從毫末出清妍畫家

金也有清談弊到處南華一嗒然二詩寄象遠矣

歷山下二泉名媯汭東西相距二里南流者為媯北流

者為汭合流入黃河即堯釐降二女處瞽瞍村南北

十里為舜所耕之地至今荆棘草木不生

金遣王汭來鄴盛談金人之勢曰上山如猿入水如獺

其語甚奇

李吉甫謚議不合張仲方駁之云詔淚在眼遇便則流

巧言如簧應機必發每讀此却笑似平康榜文也

船子和尚肉身向在吾鄉洙涇法忍寺後為人塑土像

一尊竟盜易去故像至今宛然如生廣額細眼左手如撚指狀相傳肉身時指中常出光明

王勃王文中子之孫李陽冰李供奉之族子天龜星有二百五在南漢中

朝鮮人極好書凡使臣到中土或限五六十人或舊典或新書稗官小說在彼所缺者五六十人日出市中各寫書目分頭遇人遍問不惜重值購回故彼國反有異書藏本也

金張秦娥者頗能小詩其賦遠山云秋水一林碧殘霞

幾縷紅水窮霞盡處隱隱兩三峰其後流落劉昂贈詩云遠山句好畫難成柳眼才多摠是情今日衰顏人不識倚爐空聽煮茶聲又云二頃山田半欲蕪子孫零落一身孤寒窻昨夜蕭蕭雨紅日花梢入夢無秦娥為之泣下

宋僧杲與張侍郎書云左右既得此禪柄便可改頭換面用儒家語說向士大夫

陳希夷嘗乘白驢從惡少年數百欲入汴州聞藝祖登極而止隱武當山云他年南回去記得此山名其志

如此

嚴夫子忌墓在吳江爛溪之傍嚴助墓在橋李天寧寺之後

試劔石不獨虎丘有之武夷山六曲邊有控鶴仙人試

劔石又武昌縣郭外西山蘇子瞻建九曲亭其亭傍

有孫權宮亦有試劔石山西亦有楊六郎試劔石

索隱家語云言偃吳人仕魯為武城宰今吳郡有言偃

冢吳地記云宅傍有監洗石週迴四丈為梁太守蕭

正德將去莫知所在

文氏停雲館乃温州公當時所成并署題衡山則玉磬

山房庭內有雙桐覆之

趙時賞宗子也當宋末時賞在軍中見同列盛輜重節

姬侍嘆曰軍行如春游其能濟乎

玄武湖中有大墩里俗亦相傳曰郭璞墓

東坡謫黃州時布衣芒屨多挾彈擊水

陸瑁湖邊水漫流谷陽城外問漁舟鱸魚正美蓴絲熟

不到秋風已倦遊陸平泉公作也

王昭君墓在大同府城西五百里古豐州西六十里

箕山有二許由塚在焉。下有水曰清澗，即由洗耳處。懸榻不獨徐南州。郡人周繆，高潔之士，前後郡守招命，莫肯出。唯陳蕃能致焉，字而不名，特爲置一榻，去則懸之。黃微執事，亦許由之姓。陳仲醇贊粹然其容，閻陸平泉先生手題余像云：處士陳仲醇，粹然其容，閻然其衷，中逃名於山澤，早蛻跡於章縫，身同霧豹，學擅雕龍，乃其尚論古人也。質行爲陳仲弓，豪氣爲陳

元龍。我儀圖之，將無同恩賜存問。八十七翁陸樹聲書，余愧不能當也。

李白之師趙蕤，天水郡人，曾註長短經、關朗易。百舌能爲百鳥音，嶺南有鳥鳳，如喜鵲，能變曲合宮商，爲百蟲之音。

僧齊已聽琴詩云：萬物都寂寂，堪聞彈正聲。人心盡如此，天下自和平。余極喜誦之。同時徐東野有詩云：我唐有僧號齊已，未出家時宰相器。爰見夢中逢武丁，毀形自學無生理。如前詩真宰相詩也。

司馬子長墓在河津縣西北十五里。永嘉四年，漢陽太守殷濟建石室立碑樹垣，今盡沒于河。謝安作新宮造太極殿，缺一梁，忽有梅木流至石頭城下，因取爲梁，殿乃成。畫梅花于其上。宋景文公祁嘗著筆記一編，以釋俗考古雜說，析爲三百門，而李衍指其瑕疵者七條。紫陽方公回亦著筆記一百六十餘條，而河南張恒時斥其非博而不精，故也。

李于鱗白雪樓，元美公言其上于鱗讀書，其下甚穢可

咲，乃生平極愛蔡姬。蔡姬必侍太夫人七箸。一日姬手製小食進之，太夫人不下食，于鱗目攝蔡姬叱令噉盡。姬即時蹠而謝無狀，于鱗稍解。紅梅舊盛於姑蘇，晏元獻移植西岡第中，一日貴遊賂園吏得一接分枝，由是都下有二本。又唐蜀州有紅梅數本，郡侯建閣扃鑰，游人不見，其貴如此。程子云：舉子程文，此是一厄。人過了此一厄，當理會學問。山谷移監德平鎮，過泗州僧伽塔，作發願文，戒酒色肉。

但朝粥午飯如浮屠法。郭太史守敬七十致仕，獨不許。元翰林太史司天官不致仕者，自公始。徽宗時，龍鱗薜荔一本，輦致之費，踰百萬。行人司有例，其以事奉差復命者，納書數部於庫，秘閣而外，差可讀者，此耳。南渡時，高麗國進陰陽柏二株，僅二尺許。高宗以賜王絢，絢種之永懷寺殿庭之左右。今柏高與殿齊，每歲左花則右實，右花則左實。

沈雲鴻字維時，石田之子也。特好古器物書畫，遇名品摩撫諦翫，喜見顏色，往往傾橐購之。菑畬所入，足以資是縹囊，細帙爛然，克室而襲藏，惟謹對客，手自展列，不欲一示非人。至尋核歲月，甄品精駁，歷歷有據。依江南鑒賞家，咸推之。又喜積書，讐勘劇，曰：後人視非貨財，必不易散。萬一能讀，則吾所遺厚矣。公先石田而卒。

袁白燕海叟墓在吾鄉郡城外龜蛇廟之東。虎丘顏真卿詩云：劔池穿萬仞，盤石坐千人。故名千人。

坐

獨孤及慧山新泉記云、無錫令敬澄、字源深、考古案圖、有客陸羽、多識名山大川之名、與此峰白雲相為賓、主、始雙墾、袤丈之沼、疏為懸流、使瀑布下、鍾其溜、湍激、惠泉蓋自唐始。

呂文穆蒙正微時、于洛陽之龍門利涉院土室中、與溫仲舒讀書、今傳破窰、祖此也。

十二支所屬、北周時已有之、宇文護之母與護書曰、昔在武川鎮、生汝兄弟、大者屬鼠、次者屬兔、汝身屬蛇。

又陸長源以舊德為宣武行軍司馬、韓愈巡官同事、或譏年輩相遠、愈曰、大虫、老鼠、俱為十二相屬、何怪之有。

作傳與墓志行狀、正如寫照、雖一癥一疢、皆為摹寫、不然、不類其人。

唐太宗曹子建方是佳公子、田改住汶上人、父病不能愈、禱于天、去衣臥冰上、一月、同縣王住兒、母病臥冰上半月、二事出元史、心離其身、如鳥出籠、得意生身、隨往無礙、此猶未是佛。

家向上事。然習之可以投胎奪舍。較諸道門出神者。

頗覺為省。良哉。水。今俗重二月八日為張大帝生日。四月八日為悉達生。

日不知此焉者。國俗也是日也。其國咸依釋教。齋戒。

行道焉。焉者國在白山之南七千里。

五代曆三變。宋凡八變。遼終始再變。曆法不齊。故定朔。

置閏時有不同。覽者惑焉。

萬曆間。湖州人發沈約女之墓。尚能言。其中多古寶。發。

者懼而殺之。惜哉。蓋練陰千年矣。

陶淵明嘗作搜神錄。多載佛之靈驗。見釋氏通鑑。而世。

傳為于寶所撰。豈別一書耶。

玉之美。而藍田以抵鵲。沉為美木。而交趾以為槃食。瓦。

白鷗錦鷄。山中以醢腊。而貴人以百金致茗。以為粥。

而胡人以為佩。

郭忠恕嘗以聶崇義姓嘲之曰。近貴全為贖。攀龍即作。

聶。雖然三個耳。其奈不成聰。崇義對曰。僕不能為詩。

聊以一聯奉答。即云。勿咲有三耳。全勝畜二心。蓋因。

其名以嘲之。真儒者之戲云。

周堯卿宋太常博士讀莊周書曰周善言理未至于窮
 理窮理則好惡不謬于聖人
 有商人私持起居郎熊克中興小曆及九朝通略等書
 欲渡淮盱眙軍以聞遂命諸道察郡邑書坊所鬻書
 凡事于國體者悉命毀棄言者因請取禮部員外郎
 李燾續通鑑長編知龍州王偁東都事略鹽都鹽倉
 王李丙丁未錄及通略語錄家傳等書下史官考訂或
 有裨于公議即乞存留不許刊行從之

太平清話 上卷 終

